

## Universitätsbibliothek Paderborn

**Corona Sacratissimorvm Jesu [Iesu] Christi Vulnervm**

**Wael Van Vronesteyn, Willem de**  
**Antverpiæ, 1649**

§. IV. Allocutio Prophetæ Zachariæ ad Vulneratum Salvatorem, &  
Introductio ad sequentes Considerationes.

[urn:nbn:de:hbz:466:1-49125](#)

Matris vberibus re&te conveniunt ; ita & Coronæ utriusque invicem se promoturæ sunt, ut à Matris vberibus cum S. Augustino ad Filii vulnera, & à Filii vulneribus ad Matris vbera configiamus, & à Iesu ac Mariagratiam, & misericordiam impetremus : vel ut cum suavissimo , ac sanctissimo Bonaventura ; Convulneremur vulneribus Filii, & Matris <sup>In sim.</sup> div. am. vberibus lactemur, & lac Matris cum sanguine Filii miscemus, & faciamus nobis unam dulcissimam potionem , ad depellendam omnem animi tristitiam.

## §. IV.

*Allocutio Zachariæ Prophetæ ad Salvatorem vulneratum , & introductio ad sequentes considerationes.*

**Q**Væramus ergo piâ sollicitudine ab optimo Salvatore, cū Zacharia Propheta, & dicamus ei: *Quid sunt plaga istæ in medio manuum tuarū. Quād diu putas, & quomodo, inquit Rupertus & à quo, vel à quibus dicetur ei? Nimirum in secula seculorum, in Zach.*

Corona Sacratissimorum  
sine cessatione , dicetur ei; & admirando admira-  
tione ineffabili dicetur ei; & à Deo Patre , cui fa-  
etus est obediens usque ad mortem , mortem autem  
crucis , dicetur ei; & ab Angelis , qui in eum desi-  
derant prospicere , dicetur ei ; & ab hominibus ,  
quos morte sua redemit , dicetur ei; Quid sunt pla-  
gæ istæ in medio manuum tuarum ? O magnum  
miraculum ! ô mirum spectaculum , exclamat  
Rupertus , præsertim in Domino dominatore  
omnium , plagas eum habere in medio manuum  
suarum ! Quarum veneratione ut in Co-  
ronæ hujus usu utilius , ac suavius oc-  
cupemur , decrevi piis animis quin-  
quies quinque considerationes , ad Dei  
ac vulnerati Salvatoris obsequium , &  
gloriam proponere , ut non uno tan-  
tum , sed omnibus vitæ nostræ diebus ,  
& nos dicamus ei : Quid sunt plagæ istæ in  
medio manuum tuarum ? nec manuum tan-  
tum , sed & in medio pedum , lateris ,  
ac cordis tui suavissimi , atque aman-  
tissimi .

Observandum in sequentibus Con-  
siderationibus , exiguum , aut nullum  
fructum relaturum esse eum , qui in  
singulis Orationibus Dominicis , singu-  
las

las considerationes vellet perpendere.  
Id enim non nisi cursim fieri posset: singulæ autem ad unum vulnus expendendæ sufficient, vel certè si ita fert affectus, quælibet una consideratio extendi poterit ad omnia vulnera; ut enim hæc inter se habent commune meritum, ac parem dignitatem, ita & communia, ac paria elogia, & Considerationes habere possunt.



D 5

QVIN-